

四庫全書

集部

欽定四庫全書

集部

石倉歷代詩選卷四百九十八

詳校官石中允臣薩敏

侍讀臣孫球覆勘

總校官進士臣朱 鈐

校對官中書臣方大川

謄錄監生臣張元功

欽定四庫全書

石倉歷代詩選卷四百九十七

明 曹學佺 編

明詩次集一百三十一

傅汝舟

泛湖

出自錢塘門延佇西湖濱
寒冬十一月松柏淒已陳
積水何湛湛樓觀列青旻
微陽迴景光俯見白骨新
白骨

一何多多為遊冶人生存娛斗酒一往成灰塵妻子臨
堤泣倉卒恨未申哭者聲自達歌者聲自頻

除夕

天運不恒居乘除互肇端始我乘秋邁旋茲歲聿殫序
退氣自促景晦物無歡何況霜雪盛還望阻鄉關孤鴈
追北行列星迴中天顧此客行子廓獨處河干憂來如
有去老至亮無還幸有黃鶴期可以慰心顏

記道路古事

喬松生峻岳脩幹槩青宮被蒙棟梁會斧鋸運成風翻
跡浮江嘆辟易上方供斲以公輸子丹漆百十重美材
施壯麗通天守高崇白茅亦何須傾根俟畢宮

又

秋氣感長門出戶觀列星東井聚五緯玄象豈非明雞
鳴思晨集鸛鵠迅宵征徘徊白露下傷我美人情

又

昔聞燧人氏造火遂生人世風既變易戎器亦時因用

之苟失御禍克難具陳悟彼燎原端何況雲霓嗟嗟
逐獸子豈復憂積薪弗戢將自焚願以書君紳

又

丹穴白鳳凰瑤池三青禽世世結歡好諧鳴雲漢潯毛
羽豈不異所貴同德音如何脩文氏矜長互相輕骨銷
毀所由交道誰不傾交道苟無益嗟吁建英名

閒居

下帷亦何為逍遙窺我園蓬麻正相扶桃李果無言中

有曠寂地芝草鬱芊芊延睇見仙山長松紛上千何氏
九人者乘龍逝不還空餘紫金經秘之巖穴間聖道日
陵夷仙經亦云殘不如放我志閒居以延年

八龍虎山一首

安邁欣孤舟幽慕佳仙巒綠蘿步自升
攀巖篠隨刊峰詭攢紫雲石妥基玄壇
既蒸美菌茵亦豐英琅玕紫宮象皇居
金榜耀宸翰世代隆天師休沐賜真官
欽聖法龍胡朗偽斥馬肝道存符可合
事往理誰詮獨况申巖

居浩懷赴川觀懷况具超展物故非慨嘆

閤阜山一首

羣處紛生慮孤遊規性適適性賴山水在客眷彌獲昨
策洗玉池於今憩玄石發地峯森竦負暄鹿充斥稠巖
興霞文複澗貫泉脉璿臺何其峻丹梯百餘尺祈祈春
朝素流流神瀟白鳥歸幽業動猿叫白雲隔仰傾寒瑤
華俛戀掇水碧物頤累自蕩賞散情無擇窟宇孫被髮
雲峯謝滅迹良覲冀古人嗒然終日夕

湖上

萍泛春旭更林息人煙少花地上紅葵禽枝入黃鳥湖
占蛟房黑樹主鴈堂縹閒心答幽雲窈窕行天杪

登三仰峯

武夷多奇峰高者是三仰丹崖更安排不獨似懸榜千
步覆石廊曲折復下上巖樓開豁舒面勢極康寬傾曦
獨照曜亂石互羅網中有碧海桃倒懸不盈丈葉落根
自蟠千歲無復長觀茲神理功弔古忽然惆藥爐吹死

灰葛翁亦長往難聞白鶴音徒結紫霞想平生巖穴心
睠此據昭朗

宿山心永樂庵

朝登三仰峯暮宿山心庵久入名山遊蹊徑頗盡諳始
知九曲外復有南山南森邃更險豁深篁倚煙嵐沙田
稻翼翼巖桂花毵毵疎籬隔雞犬朽樹藏蜂蟻嘗傳武
陵源傍有捕魚潭伐木不到遠却留松與栴雲光卸杖
屨回首望石龕澗芹食轉美草榻卧正酣枕中有鴻寶

何必問老聃長往來知返多為世所慚

大藏巖

懸棧何歷歷仰眺以盈把縱橫風雨交錯落星辰寫鵲橋勢不如雞窠制仍野悠悠百代來誰是巖居者

與林施諸子秋夕自藍原遊雲谷至澄許迂宿
保國寺寺在九頓峯下

出山復入山迂策桃花源本為遊覽來行止未須論十里到谷口九峯迴寺門老僧夙好事深夜具雞豚飲酬

自閒細酒中有真乘良朋發蕭鼓野客擊鐘磬躊躇煙
語微蕭索月林暝明發望赫曦千崖一微徑

鹽田渡

生長在海濱未嘗泛滄海今晨乘船遊波浪亦自在龜
鼉避不翻天水遠相迨無由覩百靈空想噓五彩玄珠
罔象收神物誰得採唯聞櫓聲齊亦爾歌歎乃蓬山路
不迷黑髮恨將改何因接洪崖使我無後悔

中興福寺觀魚

掬水既有竹決水復有渠經年水在眼堦除到江湖好
魚數百頭餅餌日供須新泉呷復吐點綴盡成珠善識
上官面更容生客呼但恐一石失永為山下枯

中秋石龍庵

昔我遊幔亭極高攬秋月清光洗列洞可數仙人髮今
宵此山中乃為天所罰狂飈起石龍黑雨打林樾燈前
對佛經逐字猶鵬突遙思芙蓉園白兔定在窟老弟能
大觥諸朋更奇崛馳情不成寐一夜夢飛越

遊太姥石門

名山多石門太姥奇莫狀想當開闢來必有萬鬼匠大
石架不如小石巧相放乍看怖欲墮諦視極牢壯一夫
過僅容雲至不能讓初從俯身入棧級屢上天牕漏日
微龍井滴泉旺暗折展復光九門遞趨向出門見石峯
秀色九天望一削倒地平匪特取屏障霞古盪幽痕真
骨固無恙老樹多生芝幽泉亦成浪好鳥時出遊於人
每相撞始知東方生圖記語非妄斯遊滿深衷何以答

神貺

雲巖

靈區真真巖綴乳富奇狀麟身儼石體仙背光壑相籠
日玉帳豁承苔寶蓋壯左龍交右鳳下洞逗上嶂晶熒
非一丈窈默是幾徧古鹿遊到止情鶴舞來向紛吾臨
以遨衆念宵然喪惟餘伺鸞賓疲思綠雲上

龜峯

古雲化奇峰宰割皆琳琅想經媧皇鍊色色爭光芒麗

刺萬夫目巧脫三島囊高者觸魁斗低亦吞戈陽削壁
刮冰眼拳石住鶴房詫當微雨裏容此明星光標名恨
遺漏取象省謬荒傳是徐鉉宅古寺閱自唐鼠雀鬪佛
頂方袍巧逃亡誰令此福地零落熟客腸倘非逢勝友
難盡覽歷詳曰余武夷來靈竒慣品量潤膩欺幔亭丹
堊則相當巔攀病足展峯影倒地蒼巖泉酬好韻吟鳥
勸我觴最後有彩壁五色錯天章遊馬疲不跡惜哉誰
見揚乃知一世間至人多遁藏我欲把雙劍揮霍踏雲

翔臨風忽自笑桃花引歸航

梅莊子

瀟灑錦里園寒梅競芳芬瓊花却素月瑤圃詎足云風
攜落花起送香天亦聞之子商巖英賞弄遣人羣倚梅
簡玉經坐石刷幽雲閒領天瓢漿勸花就微醺花似解
人意何以答殷勤為君結佳實策彼金鼎勲言謝李與
桃灼灼亦何勞

冬日送人遊鯉湖

何嶺出天上寒型渺雲涯湖歸九公鯉巖曝仙人碁緬
昔林與鄭於焉清道機金竈炊玉煙連歌綠雲飛至今
結元氣萬壑回春姿我蹇守白虎爾先導青螭瑤華寒
翕絕寄以遙相思

贈野泉余琴士

昨訪梅花巖洒落觀飛泉因懷流水調哀玉雜冰絃樂
失求之水在野有遺傳之子抱桐響與泉相悠然誰哉
洗俗耳直駕鍾期前

畫

杏花迎馬色忽忽過此橋非關春事引想是碧山招回
首天台瀑千年挂紫霄

其二

金塘對幽人玉經付童子柳陰曾歇燉魚笛砭俗耳微
微菑菑風白雲隨之靡

藍子激甫招登白塔過平川微雨信宿董氏留
贈諸昆

隱君家住平川上清流十里平如掌高門華屋世屢曾
芝朮桑麻日爭長男婚女嫁賤珠襦弟勸兄酬足盆盎
過客頻留宿水堂居人尚爾稱山長畫苑冰濃碧椀漿
夜庭錦爛丹書幌諸郎索詩義不薄野夫據榻頗真強
寧嫌風雨阻登臨且戀丘園叙鄉黨卜隣倘遂武夷居
九曲扁舟共來往

宴姜侯公堂長句

姜侯平生最清苦今日高筵槌大鼓千回異味出脩竹

百轉新聲入疎雨肉食祇應供宦達客遊何敢當賓主
眞緘長者賜繾綣故為野人破規矩憶昔與侯交不稀
府中常坐兩布衣白泉太守每下榻黃堂諸公時叩扉
北風忽散南雲會朱汪哭母張陳歸太守近始到百越
高郎遠自遊兩畿參辰落落存北斗侯亦南遷此州守
三年長寄海上書八月重斟菊邊酒楚鳳抽身避鷓鴣
魯鷄徙翅逃風后滄溟釣竿不負人日暮高天共回首

七夕憶山樓歌

今夕正七夕我船橫傍雲夢澤旱火焦龍蛇弦月熱光
赤舉酒望青天茫然忽自嚇洞庭木葉連山來始知欺
我久行客前年繫船雲頂舖是時辭家五日路黃姑織
女笑向人笑曾贈以錦繡句蛟湖去年好月色主人敬
客金罍逼鐵笛鏗風銀浪湧船底如聞蛟嘆息黃鵠萬
里心大鵬垂天翼月落不可救人生樂須極別家已九
秋心與天悠悠閩海本天尾楚山却天頭此中不見月
想掛古針樓家人望月生樓間宛如待我維氏山年年

白鶴不見影遙憐氣悶盃長閒盃長閒人未還君不聞
六安行火與天通王喬寶遇浮丘公幸然蹤跡二子同更
欲過覽軒轅宮歸歟兮歸歟丁戊兮山之下赤龍低頭
會有時冷煖時人惡足謝

高房山小畫

春山溟濛氣欲滴古絹元代標房山空亭盡與惡木離
恍有仙客遊其間吾鄉漫士早學此筆意迥入房山裏
晴天簡點更摩娑滿堂煙霧來無何

遊東禪同諸子分韻得獨字長句

空山夜寒雨霖霖招尋擬共山中宿古殿迴廊隱雜花
曲亭短徑穿高木已忻出郭陪妙賞可愛專城得良牧
酒饌提攜興起予衾裯往返勞更僕空堂明燭照官服
四座歡聲動崖谷潘令何強顏王郎亦坦腹顏袁二子興
益豪酒酣繫碎劉生筑張衡倚柱歌四愁頃刻風來振
林屋建安七子才不數東井五星氣還淑煙雲對酒會
難頻日月行天老易速萬事相從汗漫遊一生自分山

林獨

登襄城歌

客子道路浮雲輕北風發發飄蠻荆二妃漢濱昔解佩
龐公襄陽今入城天清峴山水上出日倒習池花內明
錯將玉笛興此弄盡使九天驚鶴驚

中秋烏石山

良夜孤峯頂天秋陰復晴大江煙下滅低月兩邊明鴈
過聲猶濕雲收意未平狂歌誰獨和漁笛隔洲鳴

小度

明朝初度至覽髮奈年何歲旱龍無語吾衰鳳不歌巖
齋孤對海石榻絕攀蘿莫怪違時性山林自一科

訪石室山人

坐接春江色雙開石牖斜亂山橫鶴榻虛月抱松花言
笑情何勝飛騰氣未涯難忘作長計同駕九光霞

出上送林廷評茂貞

大江流不徹日夜涵虛明行客一杯酒對之無限情中

興事豈偶再出道非輕君若登衡軸無忘此水平

喜少谷歸

一笑春初散南歸意已勞王風時不競人事日相高地
濕菰蒲氣風生鵲鶴毛柴門近湖水知上釣魚舫

遊歸宗巖

逕仄青林上亭虛白露前洞門通尺地巖嶂及諸天草
樹飄香異煙霞變態全漫遊回曉月貪懶愧靈仙

敬謁考亭書院下作

斥逐遭時禁憂勤淑世心滄洲半畝宅吾道此山深
俎豆嚴徽國宮牆麗孔林迷津從佇問煙水正沈沈

白塔山龍濟道院

岩崑十八折秋雨病中來塔院低雲入爐煙雜霧回
鏡燈明懺斗龍井動驚雷俯弄唐來木全生見不材

暮過九鯉潭

共有垂綸興何期並釣船中流頻鼓枻得意久忘筌
靜秋濤落帆收沙月懸蛟龍正入夜神理太幽潛

遊玉峯贈七佛

到處稱為佛孤峯草作庵鹿麋床下拜煙霧口中含鍊
骨石千杵隨身經一函相攜更高望蓬島在西南

夢起

今夜酒忽醒十洲夢不完月影隔松亂茶聲燒葉殘老
友得麋鹿明河為浪湍行行問竹杖風露爾無寒

赤松咏

赤松五千丈一丈一雲生蛟龍分葉卧雷雨抱枝鳴陰

好鶴長在巢居仙自營
劬苓須指夕輔取九丹成

東溪

仙源有流水寄在青溪東
亂石不阻海晴天時領虹巖
芝照自喜松露滴還空
廣把三千釣吾尋八十翁

憲伯祝公野芳亭留咏

越北開戎館清時寡牒書
榻含千竹淨亭落萬峰疎
聚石攢竒草聯園匝野蔬
自公多逸暇躍馬亦林居

長至吳山中

至日山雨過眼中浮埃空偶來滄海客獨醉紫霄宮江
色了人意鶴羣消晚風歲時興自好雲物任西東

亭會

亭子臨蒼壁高簷覆草菅我來乘白鹿蹴踏萬花間赤
日避林幄青芝抱竹關飛揚劒歌在酩酊散秋顏

汎舟重經青原

祖關冬再入客路日多閒崖色斜移樹泉聲半出山拂
人黃葉過穿竹白雲還不惜芳華晚風霜且煉顏

沙莊晚步

晡景閣崇壕還雲泥羽袍沙遊仙跡橫秋捧鴈行高弗
雨加天翠微風亦海濤密都曾竊覲詎豈夢頒桃

夜酌鄭劍溪給事宅

戀闕未毀車還山祇結廬暫中千日酒遲上萬年書候
樹鳴乾葉晴潭響暗魚別君何所望唯占斗牛墟

太安中秋

迢迢三五夕遑遑岐路前入夜何用雨出門不同天雲遑

千林樹溪留百澗泉自然念兄弟况復仰神仙

九日蔣樓

菊日紅圓飲鷺山翠仄流過風高動樹出月直窺樓浪
迹無關世霸心不共秋明朝淥水泛別與白雲留

弋山眺和

峰青畫龜石水麗控龍沙楚樹懸猿直衝雲帶鴈斜笙
歌塞江縣琴響徹山家思君整飛舄待此步飄霞

過陳生山莊

高言無與晤攜興陟幽莊燕泥紛上壁蠶葉半垂筐暖
池魚弄荇晴坂草吞霜欲奏思鄉曲關山繞夕陽

訪子發道中

攀山辭玉筍輟浦問珠林四村流水暗三月落花深嶺晦
行雲氣沙明止岸陰所思若下士被髮正鳴琴

秋日青原山作

秋物祇林淺禪堦古石平香臺七祖塔法樹十圍荆杖
飛猶置井山匝似為城即此未遑息徒令巖壑輕

九日集獨髻山

九日復九日久客畏高臨雲使鄉心近江承秋氣深雜
花難似菊孤鴈不隨禽非君重節物誰肯到松林

宿張子湖堂

別海迷回駕依湖狎隱堂玉枕衝朝采珠燈沉夜光款
言霞上盡投興雪中長還應藝松桂同嗣大年芳

關山月

白兔天邊月黃龍戍外城蟠蛇明扎陣哨馬照歸營鏡

破佳期阻輪圓虜命傾丈夫取報國莫念妾身輕

七日夜女會

雕鵲架銀橋靈孫步玉霄月疑加鏡彩雲似助衣嬌燕
樂方牛渚鸞歌已鳳簫但知天地久詎嘆別離遙

訪梅山

隱吏燒丹地飛樓燦碧峰錦葉妝隋瓦瑤階起漢松泉
香經藥洗虎善與仙逢探歷未云畢高城發暮鐘

江上

纜帶水中苔船從樹裏催草聲聽岸過沙色辨風回洲
土長崩屋村山或起臺無論下與上俱是離家來

夏

風炎蒸盡急渚枉逗舟逶僻岸無涼草叢松有避枝傳
童載葉記幼婦汲泉思往跡兼今意臨觴首自歎

蘇州逢黃子北歸序

吳門一夜對銀缸別後思前在異邦國事野人那得問
煙波孤興若為降梅福變名會有意黃香隔世又無雙

何以故山戀初服或因青桂待書窻

偶述

山翁遁世有真癖十年嘯傲林之巒慣栽薜荔護老屋
閒拾鶴羽為高冠異書自得作者意長劍不借時人看
市南熊僚久已死誰共白日談弄丸

姜侯攜酒過資壽寺中

三年不到娛溪上千里相逢滄海間入寺杯盤留夜月
出城車馬動秋山松陰密傍星河轉鶴影低隨燈火還

野客明時甘老去勸君青鬢莫投閒

於瑞巖夜懷

名巖不受炎天暑折磴宵穿星漢連亭上就雲眠亂石
竹間乘月享清泉幽樓轉覺風塵苦僻性猶煩猿鶴憐
久辦此身行脫屣肯拋龍劍負飛仙

擬築宛在堂奉招石門隱君

城外西湖煙霧光孤山宛在水中央門開獨樹懸青磴
逕繞千花上碧堂蘭艇桂橈操自穩葯房荷榻卧偏長

卷四十九
秋波不隔尋真路乘興須君到隱鄉

堂成敬酬豐五谿學士之作

卜居祇卜滄浪天况復四山如几筵城南茅屋棄汝去
島上薜門行自專釣魚有客寄尺素騎鶴笑予無一錢
短琴若果訪他日涼月相將看滿川

宿少谷墓下作

良友竟亡悲鳳死遺編雖在泣麟窮休論十載追趨地
只漫千山夢寐中青草漸生今日雨白楊時動故園風

撫墳豈稱酬知己愁絕春原薜荔叢

敬從汪郡公登劣削峰值雨駐小頂還紀興

天入翠宮低窈窕洞迴滄海倒龍從山林著處宜狂客
風雨間游接上公共倚短筇千澗底獨穿高木萬煙中
觀濤更許雲邊酒待月思眠石上楓

澄卿罷令後常見過答焉

不應山雨夜頻過豈為茅堂隱薜蘿霄漢幾年勞日月
江湖隨地足風波長沙謫去君恩重彭澤歸來酒債多

即看才高終落古，今賢達總如何。

聖水山月下

行尋流水從吾好，卧看青山奈爾何。
永夜松風掃星月，經旬衾枕傍天河。
身閒漸與仙人似，地靜頻聞山鬼過。
短劍秋深思故國，白雲回首萬峰多。

天遊觀即事呈同遊

衆壁羣峰夾路生，百花千竹引人行。
螟虫食葉聲疑雨，澗碓翻泉響似更。
春在客中偏易暮，世於方外亦難輕。

因思少小瑤華洞零落他山空復情

中丞南澗林公息機亭留宴

日月衡門靜煙霞澗水寒坐呼花鳥使笑整薜蘿冠
上懸魚笥橋邊卧鹿鞍野塘生杖杜秋井長猗蘭祇作
藏身慣寧談避客難鴛鴦辭錦闕

--	--	--	--	--	--	--	--

衡岳原事

扶桑枝上交王父七鳳車前謁羽君天遣玉笙誰得弄
時時吹起掌中雲

潘令夜半過訪武夷欲予主觀事戲答

峯迴壁轉閉巖扃永夜逢君剖玉經黃髮戴冠非我事
青天自有少微星

喜國賢病起嘲之

吾兄久抱煙霞病七日山中劖藥泉起坐休貪水簾洞

興回猶勝剡溪船

傅汝楫

字木剡丁戌之弟
有卧芝集

面泉贈龍魯之

溟溟雲中泉流沫一何多迴飈空夕景近壁搖煙蘿盈
虛有至理古今無增波損德必在足損名必在高謙謙
君子心面茲終巖阿

栖霞攜酒觀音溪避暑同用霞字

溽暑那可避言尋溪上花逢人坐流水不見泛胡麻芝

席移青嶂永盤薦紫霞郭仙如可問吾意浴丹砂

劉郎

諱一驥後更一金號近山
長樂庠生伯兄之外友

劉郎劉郎女今三十自造命身如削玉眼轉鏡玄都種
桃笑彼花天台採藥留芳逕散髮冠高黃竹冠山中早
築禮星壇著成鴻寶雲邊卧養得蟾蜍月下看雲邊月
下長回首欲觀瑤光過北斗肘後丹經鸞鳳翩腰間寶
劍蛟龍吼我本箕躔一酒星乞住人間五百齡君若駢
鸞歸玉闕莫言吾醉與君醒

賦得閩海亨龍送鄧介夫應貢北上

金晶飛飛射龍屋
驪龍屋下眼珠熟
五雷驚散雲作花
捧出明珠獻天族
雲歸君別君猶龍
下天上天雲相從
暗室投珠十載忌
寒潭化劍今朝逢
何人却笑淵潛者
相送殘春江上峰

武夷傲吏行贈潘勉甫

君本羅浮列仙侶
武夷此日懸魚組
傲世長回俗吏風
高談莫作時人語
日得俸錢思買山
煙花九曲流春還

題詩直欲滿青壁搜奇隨處攜黃冠夜卧孤琴足知已
秋風落葉淒閩郛強項多時向長官折腰遠地依山水
世人相馬失驂騑憐君畏路仍淹留詩書滿腹祇自愛
禮樂為邑誰從周只今達人多返古如此與衆應無伍
空驚遠思歌鳳凰却用豪才賦鸚鵡報國心懸百里勞
種桃滿縣紅雲高他時吏隱金門裏偷閒實須君寄我曹

桴南行贈周子

君不見桴哉南之植衣踰北受性獨異非自封冰霜少

到福地厚蜿蜒始稱根蛟龍華葉礙風天不冬遠勢干
霄雲避踪身枝十抱腫而野一回匠石一回舍鄧木相
邀何有鄉商樗許結虛無社周子屋角櫨弗低心日愛
櫨櫨詎知深蒼竊比巢居子散漫寧同木食兒處世於
人盡青眼近能愛畫煙雲滿鹽梅予後築巖人逢君盡
日傾杯盃君不聞三楚今輸廊廟材千山斤斧闕風雷
架橋小木斫伐盡大木翻從天上來尚方律令急如火
同知縛住通判鎖何如散木之下與君飲美酒同醉倒

送王文旭遊海門

長風吹出水客送大江秋笑躡飛鳬長穿控鶴樓弟
兄堪友愛天地重交脩渺渺滄洲去終牽離恨流

元夕園居有懷

流光元夕到春事半園居映月花還嫩隨風柳未舒枕
歌招隱賦筆閣絕交書悵望煙霞外何時返鹿車

巴湖

湖堂背郭樓湖水日悠悠地即香蓮界山仍梅樹秋杯

前狎鷗鳥籬畔繫漁舟安穩風波外吾生樂未休

送李指揮之京

江干相送罷去去望仙舟不耐雲山杳其如鳥樹秋龍
顏懽謁帝燕領定封侯他日收成績歸來覓酒儔

送王甥春先省親之瓊州

子往寧親日予慚得婿初酒杯三接後衣劍百愁餘庾
嶺遲梅使瓊山少鴈書蠻方慎眠食應足憫離居

得林時弼書

月下飛天鏡影虛明角巾故山看正好秋况近高旻白
鴈霜前下黃花節後新懷人天漢外獨寄一行音

東高成甫

邇來高伯子衰病復何如藥圃苦留價文園漫著書日
眠花閣暗風避草堂虛未說長生訣千金愛女軀

匡惠先大夫

肺病憂勤積明時為政初楚岡留竹虎燕水泣銀魚臣
得終王事兒慚讀父書回思弘化地如木正扶疎

山居

用世無中策青山豈願違
門開揚子宅井息漢陰機
菰米秋田食天蠶卒歲衣
閒垂一溪釣呼酒換魚肥

移家

世途那可問青歲欲移家
魚得陶公法耕燒龐老畬
種桃求漢核食棗慕齊花
醉卧滄浪曲科頭看日斜

春日拜先壠追感寄丁戊伯兄

四年違骨肉五十到頭顱
老至親朋闊年荒涕淚餘
生

存章兒女丘壠暗楸梧回首雲中鴈飛飛影不孤

冲天臺對月次呈高宗呂三十一

登臺孤笑懷良友江月於人色轉清坐懶詩篇虛歲月
交深山水識吾生光垂露葉疎疎見寒近星河曲曲明
為愛一樽長對此風塵物色總浮名

招隱

極目秋山煙霧連社鐘村鼓自堪憐行藏未夢商巖卜
既隱空存綿上田日短風雲終一變家隨麋鹿故三遷

藜羹可信狂奴足高卧何心學草玄

聚月翠亭追感昔遊用韻

坐滿高臺虛月涼萬松風合石樓當野人卧酒翻荷爵
山鬼縫衣傍荔牆李賀鳳悲賢者死鄭莊麟泣大夫良
冥冥夜色雙鴻遠影落還天聲漸長

潘子積中將遊白下索詩作此貽之

汗漫潘郎賦大遊煙花三月動輕舟腰纏不控揚州鶴
機息初回海上鷗遠地芝雲勞得夢高名冠蓋定相求

白門見柳如堪折，遲爾滄洲覓釣塢。

中秋懷丁戊伯兄

閉門坐月月未平，露下高歌銀漢橫。
衣上桂花時自落，池邊秋草夢還生。
即看仙犬蒼雲幻，遠度賓鴻紫塞輕。
聞說海邊招士榻，尚賢今喜得吾兄。

雨中宴集栖霞樓感懷

他山十日此樓居，感昔懷今夢不虛。
半榻流雲愁鴈遠，一簾飛雨聽鶯疎。
閒敲詞客金聲賦，靜讀仙人玉字書。

身世自慚如櫪馬路迷空禮白雲車

沙溪獨坐有懷霞居亡友

尺五樓開烏石尊桂枝樹樹淨柴門壺觴日日家中宴
衣服秋冬海上村沙際學書尋鳥跡林間會意解禽言
奇蹤忽憶霞居子淚落溪流過竹根

暮春雨集四山堂晚晴登烏石懷往東一山古

逸二子

雨罷山堂宴未休烏山醉傍晚晴遊隔江雲樹翻殘照

到石風花減客愁
祠殿草荒中使返
姓名苔蝕古人留
空傷往事論今夕
倚杖聽鶯憶酒雋

四山往教河陽留宿草堂賦此贈別

桃樹當窻隱小樓
草堂與子坐綢繆
經年一見一回別
為我三杯三日留
歌舞有人懷絳帳
琴書此去重仙舟
無聞白髮慚知己
莫舍詩篇憫遠愁

再送四山至越臺兼訊河陽二黃子

舟楫春風桃李溪
送君晴日越臺西
忍聞求友啼鸛合

喜見留人芳草齊積學鄭玄非句讀傳經劉向豈筌蹄
河陽幽事遙相報門外垂楊幾處低

懷丁戊伯兄

巾舄飄飄五岳遊庭前雙鵲噪無休橋成聞汝天邊返
槎到何因漢上留走日定巢懽玉樹喜人傳信笑金甌
歸期擬醉東籬下猶及香風一夜秋

梨葡萄

鳥驚午睡濃起坐林花近渴思谷口漿醉喚梁州醞

白頭翁

海上春常滿人間日易斜
白頭渾不老歲歲開桃花

訪梅金粟阻雨

梅依鶴膝自盤擎石壁天風一一花
索笑未開塵上眼
結人愁雨半山斜

戲東林子裘

荒年卜筮正愁予欲傍漁翁飽食魚
貧病不關時事惡
西湖久斷鶴來書

贈別張治世往嚴州

釣龍早罷珊瑚竿臺下長流煙水寒
便欲乘槎訪牛女
客星遙過五雲端

野亭吟

野翁抱甕甘息機懶夢山蕉無是非
獨向山中伴麋鹿
白雲時傍野亭飛

過石田草堂因哭石田

頻年我理吳航楫幾度相逢笑口開
沙雨江風今日淚

歲寒愁絕是重來

醉漁

煙輕江上釣初迴
呼伴攜魚換酒杯
便欲忘言醉蘆葦
獨醒恐有楚臣來

寄嘲沙源

寄語沙陽黃子正
如何不棹酒船來
碧筒五月多涼冷
夢在枰梧寺裏迴

閉門

頻年罷釀老愛酒客至無錢強出賒落盡庭梅三日雨
香風閒對一甌茶

石倉歷代詩選卷四百九十七

欽定四庫全書

石倉歷代詩選卷四百九十八

明 曹學佺 編

明詩次集一百三十二

孫一元

江上逢春感興

嚴雪散寒雨，堅冰開積霰。
青陽變脩條，東風回舊節。
物感孤志連，翩春江潯。
椒花遠自媚，清尊強費斟。
十年

一被褐百回結鶉襟豈無鄉關念所愧國士心開匣撫
神物牀頭流泉音冥運誠嶮巖履茲思何深不徒一朝
奮要在萬物任清時繼絕響聊此抱膝吟

春日吟

地偏無往來空亭春正深會此淑霽景花木弄繁陰去去散芳
躅風來吹我襟意得不能語野鳥酬好音翛然遂忘倦盡力還
幽尋纖纖孤月上遲遲白日沉呼來林居子還當期此心

與甘泉老人董嶼山

天風下高木寒日墮蒼蒼對坐青崖底卸杖白石傍瓦
甌出泉味布袍受松光雲霞有古好芝桂永相將還攜
韓終輩去訪蓬山陽

江上餞別友人四章

晨起促征裝薄言驚舟楫送子赴脩河不忍與子別蘭
苔會摧殘薦蔓不堪結悽悽情未宣惻惻心欲折

心折憑洲渚玄雲搆重陰慷慨撫時序况此離別襟嘈
嘈佇繁吹戚戚理哀琴暫延林莽間睠此念彌深

念深重離筵含酸聽我歌天寒冰漸結君但當奈何窮
獸不出數倦鳥豈離柯期子早歸來歲宴守山阿

山阿遵時晦人文會陸沉履運多嶮巇感念昔與今淒
風振脩薄嚴霜披喬林願言同此夕寤寐思所欽

送周用賓進士訪道入少華山

滄江望不回孤峯晴自立猛虎嘯天風肯為人所繫嘗
聞安期生畫策君未入歸來謝煙火清露中天吸千年
玩弄間人世風雲集坐此無窮門減景鍊玄汁

種松

種松滿崑丘眼中生蒼鱗松根化為石松葉不受塵中
有結廬者長年事隱淪入雲荷長鑱劬苓青澗瀕木食
有奇志乃與天為鄰放歌白雲裏去去空山春

田舍早春作

今辰初解凍遠望田苗稀日出會羣情鳥雀相喧飛村
婦荷鋤至隔舍煙火微阿童三尺華驅羊散柴扉風來
廣郊陌春事正依依

收菊花貯枕

呼童收落英晨起晞清露滿囊賸貯秋寒香散庭戶夜
來夢東籬枕上得佳句

江上送殷近夫奉母東歸

春色滿汀洲沙晴鵝鵲遊故人別我去回首江之陬半
月屆水宿挂颿風力柔芳蘅弄遙碧間雲澹不收遠見
蒜山月晚泊瓊花洲推篷慈顏喜得魚沙市頭人生會
有別歡聚不知憂平明望齊魯乘流發櫂謳

王野雲見寄華山誌忽憶余曩昔月下著羽衣
醉吟蓮花峰上今已三載自過江南無此豪興
喟然而歎作詩以謝故道及之

憶昔遊上清長風吹羽被仙人九節筇扶我蓮花側太
空借韶濩羣動聲相嚇石髓酌天瓢此物山不惜醉倚
洗頭盆月華凝欲滴獨鶴警夜半回首秋雲碧三年萬
里遊此事墮今昔媿謝山中人默光運闔闢

紫陽山中徐步

窮壑卧孤松寒風生杖屨幽人獨往來鳥弄自成句因
山賸得秋欣然有餘趣片雨弄江光孤雲起汀樹望中
水似天嘯坐漁舟去

吳興北亭與邦直別

青松盤巨壑不受人間塵驚雛異衆鳥自飲砥柱津羣
情貴苟合難以保厥真吾與夫君交終始道相親同擷
雲中草還尋天上春一朝來告別去作上國賓正值歲
時暮况與豺虎鄰咽涕重感傷手挽君車輪寒禽各嘯

侶落木亦悲辛惟願君歸來卧此清澗濱

聞劉元瑞按察使棄官與甘泉山人候久不至
南國有高人棄官萬里道晨夕問音書相候青林杪歲
暮悲風塵會晤苦不早何日入門來將鬚傾懷抱東山
吳居士况汝平生好竭來同幽栖笑拾金光草

夢遊黃山吟

朝看黃山圖暮夢黃山行手捫天都月一笑雲煙橫丈
人眉如霜采秀忻相迎酌我以石髓遺我以瓊英冷然

跨黃鵠更欲遊空明羣峯忽不見一舉還自驚覺來發
長歎半窓松雨鳴

春日閒居和韋蘇州

亂髮午未梳橐居幽興生焚香了清晝無夢到京城雨
過山枝綠倚杖有餘情舍南春水滿鶉鳩聲催耕地僻
語論稀牀堆圖史清竭來坐成嬾那知世網嬰

解所佩日本小劒遺殷近夫作公莫舞

晴空一夜走白螭河鼓下照寒江湄菖廬之山元氣裂

神物將化天有為
罈頭驚見赤花古
轆轤純鈎皆莫數
千年碧血燐火明
萬里陰風騶馱語
帝王氣象佳葱葱
玉虹提攜行相從
座上酒酣公莫舞
要是當時龍準公
酒酣歌贈鄭繼之地官

司徒之官不可求
早年通籍金閨遊
青袍只今厭奔走
兒女衣食泣道周
屢見文章出翠釜
未聞廊廟登天球
鄉關萬里望不及
風吹離思江花愁
野人勸汝早歸來
塵埃骭髀難為儔
朝廷屢孽未除盡
早晚尚有巴蜀憂

冰雪照野驚歲暮行人烽火多阻脩天狼出明東海岫
哀凰獨叫西康州酒酣對汝不料事為此長歌歌未休

黃山行

黃山昔云與天通三十六峯常冥濛晨昏日月轉地中
下連滄海沃焦東噉陽一足啼遠松天雞野岫巢高風
中有靈跡世難窮洞門水簾捲鬱葱五色閃映金銀宮
秋風花落青桂叢聞有高人閱其蹤洗藥流出砂泉紅
長年兀坐石牀空萬物入手愁化功吾聞此山元氣鍾

異人往往時相從
苔篇鳥書雲霧封
我來啓此心忡忡
洞裏韓衆倘相逢
倒景同佩蒼精龍
萬二千年壽無終

題梅花贈太守黃子和

使君作郡滄洲邊
我曾一見神翛然
長髯方瞳有仙骨
種梅猶記羅浮巔
瓊盤鐵曲一萬本
茅屋正在春風前
寒姿自照日杲杲
白鶴下叫青溪煙
我歸管領君勿嗔
采花拾實還候君

南榮老人歌

南榮老人睡起晚過午柴門日初轉下牀看山嬾不冠
山光樹光渾莫辨秋來更覺草堂深鳥雀相馴機事淺
平生得處不須書愛雲弄泉歲華晏

跨驢遊西山天竺寺

秋葉滿林吹亂紅秋光半在山寺中老衲迎門解幽事
一見呼我長髯公薰爐相對坐終夕松聲泉韻何冲融
獨鶴隔竹向人立欲鳴未鳴幽意同氣酣日落豪思發
詩成三繞青桂叢造物小兒玩人世俯仰何必悲無窮

布袍斗笠自高格，狂歌醉叫驚山翁。
歸來明月散林影，驢背仰嘯秋山空。

春前五日大雪

一夜雪飛石徑齊，清晨壓我茅屋低。
小奴開門抱甕出，赤脚汲水愁衝泥。
牆頭餓鳥太無賴，繞我堦上啞啞啼。
南山黃獨寒無苗，長簾歸來風怒號。

謝鮑山人採松花見寄

山人縛屋黃山巔，青松萬株盤屋前。
春風摘取花滿裏，

逢人遙寄吳門仙
吳門仙人身已輕
服花更覺靈氣生
白日獨坐若木下
滄海如席龍不鳴
昨夢訪君松樹樾
赤脚蹋雲石苔滑
天風颯颯吹欲醒
歸來松際留明月

題古木竹石圖

石根拖雨雲脚過
老木舒舒石欲墮
白日抱珥天色微
翠葆含吟風勢大
山空往來不見人
山鳥一聲山竹破
當時此畫作者誰
湘娥猶泣眞宰悲

黃山歌贈戴仲良

吾聞黃山三十六峯青插天懸崖峭壁萬丈飛流泉古
松盤壑風吼地蒼藤翠蔦白日生雲煙奇石媚幽獨小
芝紅欲然若有人兮山之巔烹霞煉石元化旋宇宙入
手春無邊有時黃鶴鳴翩跹自吹玉笛桃花前月明相
約講重玄我來手持青苔篇龍漢之秘心相傳洞中一
笑三千年

黃山歌

黃山巖崿幾萬里亂峯如龍矗雲起晨昏日月轉山腰

三十六軸盤地底崑崙渤解氣勢來衡嶽匡廬遠相倚
長年冥濛飛煙霞白日雜還走麋鹿玉泉丹砂種靈根
芝草琅玕長不死中有高人事隱棲縛屋開門亂雲裏
崖木野藤時作花澗水泠泠石齒齒牀頭木瓢白石鎚
簷下甕牖烏皮几避世應同尸鄉翁著書還擬鵝冠子
我亦乾坤放逸人探竒名山興未已落日長歌招隱詩
采藥尋君從此始

渡江

斗酒醉初醒長歌望海門晚山橫北固落日照中原沙
白鳥雙下天青江獨吞壯懷方激烈危坐欲騰騫

同沈啓南吳門載酒泛月

微茫風日暮歸鳥下青田暝色遙吞樹波容澹寫天豚
魚不吹浪萍葉故迎船笑殺鴟夷子浮家不計年

有客

草堂對湖水地僻有高情雨意開林色秋光泛菊英到
船覓魚蟹有客過柴荆長日看山處相留几簞清

癸酉六月望夜同施邦直棹舟西湖歷六橋抵
望湖亭遂登孤山拜和靖處士墓

向曉南屏路相攜上釣輪山根晴亦濕湖面夜難昏月
色留吹笛鷗羣迴洗樽來尋林處士地下有知言

晚霽

晚來雨初霽煙火隔林微一徑牛羊入孤村桑柘稀長
天下遠水積霧帶晶扉月黑聞人語溪南種樹歸

對酒

巖石韜弓劒風塵混客身易消吳地酒不見隴山春失
路無騰蹋供愁似衆人獨憐嵇叔夜何處可藏眞

幽居雜興

草堂連翠微一徑轉柴扉竹裏厨人散雨中春事稀蜂
房爭自課花片覺全飛政愛蒲團好焚香了化機

十日荒城雨開門草又新若無一杯酒孤負百年身澹
澹春園野青青山近人喜看江上影依舊白綸巾

雞聲催旦暮歲月夢中移雲漢空回首溪山獨占竒買

船同鶴載得句報僧知却笑南華子閒看野馬馳
清風生甕盎天亦愛吾貧看竹雲連屐鉤簾雨映人梅
花偶到座硯水動浮春意外渾無物青山共此身

重遊江上寺

重遊江上寺相對一樽開耒耜知天力東南息戰灰堞
樓浮海動潮勢抱山來落日聞人語漁樵覓徑回

費鵞湖閣老顧與成叅議同訪有詩見遺依韻

和答

雨餘秋寺裏一徑轉松長上客同乘屐高人獨據牀塔
陰眠石壁鶴跡遍山房歸去猶餘興看鷗意不忘

江城東殷近夫

沙上風煙異經時老客心遠天低故壘落日帶空林目
極芳華晚愁緣野水深江城有嚴武猶可慰孤吟

西湖

十里山如拭西湖背郭流僧歸虹外雨雲抱水邊樓春
事多逢醉歌聲半是愁獨憐垂釣者吾欲共滄洲

晚晴信步至城東草堂主人開樽留酌

東風吹晚步拄杖散閒身
燕掠春陰薄鳩鳴桑葉新
過君丈杏館呼我酒仙人
政有煙霞骨還知麋鹿親

雲溪

落日溪光淨閒來坐石磯
因看異人跡猶見紫雲飛
岼折楓根出沙寒石髮稀
懷賢增感慨回首意都違

荆溪道中

樹夾蒼崖立遙遙溪路微
浪花迎棹尾山影上人衣
饑

鵲鳴將下顏雲凍不飛還尋舊遊處日暮漁樵稀

幽居

自得窮通理幽居不誤身清流梳石髮遠霧著山巾竹
上僧留偈庭前鶴近人科頭坐終日吾自愛吾真

失鶴

只在秋江上孤音何處聞夢回千里月愁入萬山雲欲
賦招難返長憐思不羣此時還憶汝書寄武夷君

只在秋江上煙霞幾萬重堦前留墮羽苔面想行蹤雲

影忽傍水月明猶在松此時還憶汝跨我出樊籠

西爽亭會別周叅政楊顧二叅議

對酒山亭上清秋思更豪輕鷗動江色片雨帶林臯興
逐王司馬詩當何水曹分攜聊一笑日暮上漁舫

虎丘慧上人山房

占勝景相依僧閒水竹居窻幽滋蘚暈樹老帶蟲書石
鼎秋聯句溪園夜剪蔬買山錢可借許我築茅廬

獨往

無媒幽徑返笑語領東風遠燒攬新綠寒花動小紅野
情藜杖底詩句酒杯中一路春相候何人識化工

寄顧台州華玉

使君有道氣為政亦山中坐見桃花色青林度遠風才
堪一世用官與衆人同饑食舊溪稼長歌興不窮

遊龍井山

石磴攀蘿上天風倚杖吟鐘鳴山意動泉淨樹光深白
日觀雲物清樽坐石林歸來興更好纖月映孤岑

鄭繼之地官久不過湖上奉簡

怪爾狂吟客不過湖水濱寧遭官長罵莫得野人嗔雲
外烏藤杖林邊白鷺巾相看只自好空送月華新

同孟僉事望之登虎丘山

停舟倚暮色開醖對江濱山迴朱甍出鐘鳴碧殿開林
花交野岫石壁動春雲落日狂歌客登臨興不羣

蘭

落日天風動空山蘭葉芳瀟瀟湘水濶冉冉楚雲長獨

抱幽人操空懷王者香
隔江費褰采歲暮永相望

題孫道甫東園卷

小闢東園地閒來樂事宜
幽懷流動處好鳥忽鳴時
灌藥引清沼護花編短籬
主人足高興嵇呂共襟期

茅屋清溪上

茅屋清溪上漁歌入座聞
水光偏映竹釣石自生雲
地近青藜杖身隨白鳥羣
此中有真趣長日少塵紛

送友人北上

扣舷歌小海判袂送君行秋入風雲壯鷗盤原野晴山
迎楊子渡潮語廣陵城還憶西湖上漁歌載酒觥

次韻祝維貞員外

歸來光範門書策不須論白日自幽事清泉在小園鳩
鳴開竹閣月曉過梅村鄰父時時會壺觴笑語溫

發漕湖

初日浮高樹清鷗散淺沙挂帆湖水上聞笛野漁家岝
折孤蒲合雲迷山郭斜芳洲動幽興自起采蘋花

春日王氏池亭一首

別浦漁歌近臨流水檻開主人時杖屨斜日在莓苔沙
淨新篁出亭幽羣鳥來習池風物異喜有葛強陪

大善寺贈惠上人

訪客溪邊寺湯休解愛才高吟攄野興小酌引春杯翠
壁雲光薄青林雨氣開會當忘物我相對碧山隈

過黃勉之明水草堂

去去草堂遠懷人藜杖過青林散山靄翠壁倒江波竹

裏鳩聲切吟邊野興多相看皆道氣白日卧雲蘿

同凌時東邵文化沈邦魁飲戴山大石上

載酒問山寺尋幽過遠林殘霞依水淨新月隱杯深坐
久頻移石歌長得賞心青春原自好歸櫂有高吟

夜雨

寒柝聲初急殘燈燄不脩長吟聞夜雨獨客卧江樓節
物東山念朝廷西鄙憂驚風振叢薄迷鴈失灘洲

南征

南征五月動旌旄
瘴霧蠻煙望目勞
此日壺漿迎虎旅
幾年江海泣弓刀
戍樓鵬落風雲壯
野日猩啼戰壘高
更喜皇天能悔禍
不妨遊子卧江臯

滄江

千林草樹靜相依
來往尋詩坐釣磯
地近青春惟鳥雀
夜來新水到柴扉
中原落日愁多夢
萬里滄江定不歸
擬向鹿門為地主
不妨常著芰荷衣

辛未中秋攜張逸人僧龍玉升顯東明西湖泛

月遂携酒登望湖亭扶醉漫興

一望晴煙破暝幽湖天灩灩月初浮
旋攜斗酒呼鄰父
小有蔬盤上釣舟
笛咽水龍中夜冷
杯搖河影萬山秋
人間回首悲何事
欲覽清光最上頭

秋晚登鎮海樓

樓上輕雲散女陴
樓前狂客獨支頤
江當夕照半添色
詩與秋山相鬪奇
木葉無言時序變
塵寰多事杖藜知
只應久被漁郎笑
雨細風斜歸去遲

新卜南屏山居

石上藤蘿對夕曛解衣長日坐來頻挽回滄海真無計
領畧青山合有人養鶴似嫌雙口累為漁又過一生身
相逢惟是南屏老獨樹柴門許結鄰

山居着野服

道人占斷南屏景十里青山帶郭斜對水柴門通鶴渚
隔鄰煙火是漁家巖頭老檜占風雨石上昌陽閱歲華
粧點太平還着我棕屨桐帽送生涯

晚泊

落日長風吹磧昏，荒村寒月動籬門。
江湖枕上悲心壯，山鬼燈前夜語繁。
亂後客心猶萬里，斗間雲氣望中原。
欲添春水隨行具，更聽漁歌起釣輪。

晚晴獨眺昇山絕頂

石磴天風笑語清，捫蘿直上思猶輕。
斷虹收雨青山出，白鳥弄波斜日明。
跡學漁樵成久業，身隨麋鹿長高情。
兵戈滿眼真何意，只漫蓬蒿過一生。

月波樓為陳子魚題

危樓溪上倚層空
住近仙人白兔宮
浪靜魚龍眠桂影
夜涼河漢動秋風
釣簾弄釣滄洲上
開檻洗杯清鏡中
他日乘舟聽吹笛
我來相訪水雲中

王與時方伯顧與成參議見訪山中

柴門車馬藩侯重
下榻高談盡日懽
笑我風流丘壑相
對君倒著竹皮冠
山中芝草闌干長
石上松陰空翠寒
記得晦翁詩句好
一川風月要人看

秋夜坐吳山僧舍

夕陰橫抹暗江城，入夜星河淺澹明。
度水煙寒千樹暝，隔林雲卧一僧清。
絡蟲故故催機杼，木葉蕭蕭送雨聲。
獨坐山牕情自會，燈花無那向人青。

乙亥元日

元日狂歌倒竹樽，東風昨夜到柴門。
生逢盛世憂何事，家在青山道自尊。
殘雪疎林開舊色，崩沙細浪長新痕。
春來漫有滄洲興，文鵜銀鷁滿釣輪。

孟秋十六日孫道甫范文一昆仲邀予同汪進
之京兆方質夫達人泛舟西湖二首

雲移洲渚樹迴灣來泛湖光十里間
逸客風流同白纈道人詩句說青山
天留晚景平波上鷗落漁家亂竹間
此意與君須領略蒹蒲明月棹歌還

載酒同尋白鷺灣相看一笑意猶閒
殘霞隔水宜詩句歸鳥穿雲見晚山
謝氏賓朋牛渚上岑家兄弟漢陂間
醉歌小海無人和獨與漁郎泛月還

宿歸雲庵

沙清竹碧鷗出飛野老候余開石扉暮雲捲雨日初落
木葉滿山風乍稀酒杯入夜意自好篝燈向人寒相依
窮幽覽勝乃吾事坐愛名山忘獨歸

九日登南屏山漫興

南屏九日登臨地望裏風煙秋事幽青蔥娟娟憐物候
孤帆裊裊隔江洲秦雲隴樹歸心遠易水燕山落日愁
詩罷長吟還自佇汀鳬沙鴈晚相遊

夢鄭繼之

不見平生鄭廣文
風塵側望隔青雲
殊方物色偏憐客
雨夜燈花屢夢君
隔葉山鳩高自語
避人江鶴獨為羣
眼中此日堪惆悵
塞北音書久未聞

夜坐

中庭露下濕征裾
獨起蒼茫佇望餘
河漢夜深人語靜
海門潮上月華初
盛時去國愁難破
看劍燒燈氣未疎
三載相看隔南越
故山戎馬久無書

九日登南屏山漫興

客中此日逢佳節，扶醉來登千樹林。
斜日碧雲秋寺淨，折荷殘葦晚湖深。
中原目送雙流淚，老馬時存萬里心。
何處草堂還可借，杜陵今有卜居吟。

江上

沙磔喧寒雨，楓根挽釣楂。
菰蒲起煙火，隔水是漁家。

睡起

睡起散幽躅，荒崗春日西。
野雲飛不起，寒壓竹枝低。

春日遊惠山

茅堂藏山隈尋轉更幽興一鳥浴寒塘數花明小徑
向晚意不歇殘陽澹欲無漁榔隔浦斷樵響入雲孤
閒撫溪邊石坐談竹下門殘霞不作雨遠水欲浮村
歸來吟不了賸有水雲情船頭借漁笛韻中明月生

雜詠

夕陽沒中流舟子不停櫓風來未滿帆望斷桃花浦

題孫道甫小景

家近新塘曲月明魚可掬
盡夜澹忘歸和雲汀上宿

白島

白鳥看不足坐買江上舟
長日牽春夢江光搖綠洲

即景

亂山帶喬木斜日望中碧
白雲來傍人馬首嵐光滴

驅車復驅車

驅車復驅車起拂車上露
願作車後塵逐君車輪去

古別離

有酒復有酒餞子河梁路離情不可整風亂道傍樹

憶王屋山人

幾時不見鹿皮翁回首碧雲天自空記得去秋新月夜
豈花棚下說年豐

西湖

十里飛花送酒卮六橋兒女蹋春詞無人會得漁翁意
獨立晴湖照影時

梅杖

幾點冰花尚未消
一枝鶴膝凍翹翹
夜來夢到相尋處
野水斜通白木橋

飲龍井

眼底閒雲亂不開
偶隨麋鹿入雲來
平生於物原無取
消受山中水一杯

席上偶成

楊花燕子弄春柔
醉倚瑩篴笑未休
依舊清風明月好
買船吹笛過滄洲

林侍御過訪留坐竹下問武夷山水

清泉長日漱潺湲
多史戢冠訪竹關
自笑道人迂野性
相逢先問武夷山

春暮

門開輾輾東風曉
酒熟牀頭無可人
聽盡雨聲渾不寐
棟花榆莢過殘春

謝方方伯壽卿惠米

耽貧自笑山人瘦
飽飯還歌方伯賢
白石鐺中消歲月

漫炊松火汲清泉

訪錢隱君

隱君南國舊王孫
小築茅堂水竹村
我亦江湖陸魯望
釣竿獨抱訪柴門

西湖

門前雲物時來宿
沙上鷗羣亦自呼
背郭不知有城府
矮牀叢竹坐臨湖

除夜

短瓶卧壁不盡飽宿火向人還自青明日梅花應作意
春風一夜打柴局

書張山人壁

尋詩衝雪過山家拄杖鏗鏗石徑斜自笑道人無長物
酒壺隨處有梅花

美人圍碁

碁局當窻笑語清鴈行雲陣各縱橫細簾疎簾無人見
庭鶴時驚落子聲

鞦韆

花下羅裳映穀文
鞦韆彩架簇春雲
回頭偶道金釵落
深院風清笑語聞

秋夜渡江

西風吹鬢綠
盤髮擊榜長
歌酒半酣野月上
船燈影亂
載將秋思過江南

石倉歷代詩選卷四百九十八